

Kangiqlihidjutit

Kapput TiiBiimik Aanniarunmik Uvinikkut Ihivriurut (TST)

Hunauva Kapput TiiBiimik Aanniarunmik Uvinikkut Ihivriurut (TST)?

Ihivriurut TST atuqtauyuq naunairutikhanik kinatkut hagiaikhimayut TB-qaqtumut qupilrunut. Ihivriurut TST kappittirniq mikarmut kappunmut atanut uviniup talikkut havaunmik (tuberculin-mik). Naatpata 48-72 ikangnit munaqhip ihivriuruaqta qinikhiavaktut 'naptunirmik' kappittirni. TST ihivriuruaqta 'puvaglungnilik' puvinnia angivyakpat kappitingniani.

Qanuq tukiqaqqa TST ihivriuruaqta puvaglungnilik??

TST ihivriuruaqta puvaglungnilik ukangittuq aanniagittutit TB-mik. Amihut Inuit puvihiaqtaqta kappittirni imatut ituq inuuk aanniarutiqaqtumut qanniklihimayuq TB-qaqtumut inuuhimik kihimikTiiBii-mut aanniarutinut aanniarutiqaqalikutit timingni taiyauyuq Tukihiyakulli Takunaittumik Aanniarutik Puvaglungnarmik (LTBI).Takukhiqlutit munaqhimik taaktimitlu naunaittiaqtukhaq.

Ihivriuruaqtulutit munaqhimik taaktimitluunniit auktakhiqlutitlu, iksuliktaulutilu qallakhuqvikhangnik tivvuaqtuqtulutit LTBI-mut ihivriuruaqta yangni tiibiihimaittangnikluunniit. LTBI-qaruviq Havautituqtitauniaqtuttit hamna LTBI-mut hiamitiqnaikumik anniarutingnik TB-mut aannialirnaittumiklu.

Kitkut kappittuqtukhaungitpat TB-mut ihivriurumik?

- Kinaliqaak TB-qaqhimayuq kinguagut.
- Kinaliqaak TB-qaqhimayuq kinguagut uvaluunniit havautituqtitauihimayuq LTBI-mut TiiBiikhihimagumi kinguagut.
- Kinaliqaak uviniklulaqiyukkumi tuberculin-mit kappunmit uvaluunniit uviniklulaqiyukkumiadjikutanik tuberculin-mit kappunmit.
- Kinaliqaak uttirmiqaqhimayunut, uvinikluktunut TB uvinikkut kappiyauhihamayuq.
- Kinaliqaak kappiyauhihamagumi havautilingmik (e.g. MMR, shingles, uvaluunniit uvinikkut imaktirnikkut) hitamani havainirmi hivuani TB-mik ihivriuruaqta kappiyautinani. TiiBii-mut uvinirmut naunaiyaitjutikhaq kapiyauttaaktut atauhirmi ublumi. Atauhirmi ubluani kappiyauyukkumi, TiiBii-mut uvinirmut naunaiyaidjutikhaq kapiyauyukhaungittut hitamat havainiq natinagu kappiyauhihamanirminit. Kapuutit nakuhirutauniarmata TiiBii-mut uvinikkut kappunmik.
- Kinaliqaak aanniaqpalaktuq (e.g. mononucleosis, mumps, measles) kingulirmi tatqiqhiunmi. Kinaliqaak aanniarumi, qallakumilu, kingulirmi tatqiqhiunmi TiiBii-mut kappunmik kapiyauttaaktut.

Naunaitkhat: Hapkuat pilluqutaungittut TiiBii-mut uvinikkut kappunmik ihivriuruaqtulutik: hingaihimayuq, amamaktituyuq, kinguagut BCG-mik kappiyauhihamayuq, kappiyauhihamayuq hitamani havainirmi uvaluunniit havautituqtitaugumi hakuittunik steroids-mik.

